


大悲分陀利經

卷四

百卅四
駒六

48119



元祿九年丙子二月日重修

皇圖環回 帝階綴呂

佛日增輝 懋輪常轉

山城州天安寺法金剛院置



大乘大悲分陀利經卷第四

駒

失譯

十千人受記品第十

善男子於今時十千懈怠者同發聲言唯世
尊我等欲於淨佛土中成如來應供正遍知
所謂世界普賢菩薩行菩薩行所修淨處如
是我等行六波羅蜜滿於佛土逮成正覺善
男子寶藏如來亦復如是受彼十千懈怠者
記如普賢菩薩成阿耨多羅三藐三菩提時
汝等亦於周匝世界成阿耨多羅三藐三菩
提有千人同号智熾鍾自在聲如來復有千
人同号攝自在師子音如來復有千人同号

無垢聲自在王如來復有千人同號除恐畏
音自在王如來復有千人同號善無垢聲光
曜自在王如來復有五百人同號日明如來
復有五百人同號日藏自在王如來復號七
龍雷如來八號無畏稱王無垢光如來十號
無光音如來十一號稱自在聲聞法稱音如
來九號德法稱王如來二十號不可思議意
王如來三號寶幢月自在炤牟尼智自在墻
微無味王不可思議意智藏如來十五號智
高幢如來五十號智海王如來二號大精進
音自在王高德劫如來八十號智無塵疾如
來九十號自在種如來一百號智善無垢雷

自在如來八十号非食德海王智集力王如
來四十号勝菩提自在王如來牟尼積疾華
如來積德智意如來金剛師子戒光音如來
賢上如來無量光明如來三師子喜如來無
盡智積寶光如來智無垢如來智珊瑚如來
二師子稱如來道德王如來法華雨如來光
踊高如來法踊王無垢如來香自在如來無
垢眼如來大積如來阿僧祇力王如來自智
福德力如來智衣如來自在如來阿僧祇饒
益如來智積如來大高如來力藏如來德沉
如來枝華幢如來照衆如來無癡德王如來
金剛上如來法勝如來聲帝王如來自執金

剛持寶如來自在踊幢止劫如來樂雲法用
婆羅王如來普德海王如來智積如來智焰
華如來衆世主自在如來優曇鉢華金幢如
來法幢雷王如來旃檀善安隱超勢如來幢
最燈如來智起如來堅幢滅如來法稱如來
降魔德焰如來闍那波羅沙睺如來智燈如
來安隱王如來智音如來幢集如來金剛如
來金剛曜如來莊嚴王如來闍夜僧棄如來
善安意如來月王如來超吼王如來婆羅王
如來八十師子步如來五十那羅延勝藏如
來七十寶積德如來三十月藏如來二十星
宿稱如來三十德力婆羅王如來九十轉音

如來梵上堅固如來復有千号香華勝稱王
如來七十光明圓月照王如來三十香華上
如來無量德海如來智上如來閻浮影如來
一百三德山幢如來師子最如來百一龍吼
華曜王如來善香種無我如來無量德曜王
劫如來復千人同号捨法智龍王解脫覺世
海眼止如來應供正遍知汝等各於異國一
日同時當成阿耨多羅三藐三菩提當壽十
小劫汝等亦當同日入無上涅槃後佛土正
法七日皆滅彼十千人五體愁目首禮寶藏如
來足寶藏如來言

起汝等妙堅龍吼

當求習最積善財

懃修六度莫懈怠

當為天人作導師

大乘大悲分陀利經第九王子受記品第十一
善男子。尔時海濟婆羅門語第九王子阿彌
具略說彼白佛言。我當如是行菩薩行。今十
方恒河沙數世界中。恒河沙數現在住世諸
佛世尊。證我行菩薩菩提行。唯世尊如我。今
於佛前發菩提心。乃至成阿耨多羅三藐三
菩提。於其中間行菩提行。莫令心悔。乃至菩
提際。誓願堅固。如說修行。不惱他心。今我不
生聲聞辟支佛心。今我心意不生愛欲。不與
眠睡。傲慢。輕弄。誑惱。疑惑。共俱。不與殺生。偷
盜。及非梵行。妄語。兩舌。麁言。綺語。無明。掉動。

邪見嫉妬等俱無不敬法心亦無離心我行
菩薩行時乃至菩提際莫令心有如是等法
願我乃至菩提際舉足下足心常念佛乃至
菩提際未曾不見佛不聞法不供養僧在所
生處常得出家常糞掃衣但三衣樹下止常
坐空閑處常乞食少欲知足常說法言無染
著語令我具足無量辯才常不犯根罪不雜
妄語非毀他論常念於空爲女說法常思惟
空於女人前不露齒笑不染相動手爲人說
法我常於大乘菩薩有師事供養之心我若
從他聞法敬意如師我常恭敬沙門婆羅門
尊重供養唯如來前我不觀應與不應與而

爲布施我於法施不生嫉妬心我以身命濟
應死者自以精進辦及衆物救厄衆生我不
說在家出家是非長短我常觀榮利養稱譽
如火如毒如怨心常遠避世尊若我乃至菩
提際成就如世尊前所立誓願者令我兩手
中自然輪寶千輻輞轂明焰具足阿彌具王

子適發言已如其所願輪即在手復白佛言
世尊若我乃至菩提際如是意滿者令此輪
寶徃至五濁空佛土中出是大聲如難陀跋
難陀龍王之聲一切佛土聲唱是言菩薩受
記入不妄念智唱修空不動意界法藏一切
衆生生其中者此法藏聲入彼耳根適入耳

已令彼衆生欲愛即滅瞋恚愚癡吾我慳嫉
皆滅令得思念佛境界智發阿耨多羅三藐
三菩提心善男子阿彌具王子遣彼二輪其
輪甚速譬如諸佛如來神通如是往至十方
無量阿僧祇五濁空佛土中至已爲衆生唱
菩薩受記入不妄念智修空不動意界法藏
其中一切衆生此法藏音入耳根已一切欲
愛乃至心意嫉妬滅皆悉思念如佛境界智
發阿耨多羅三藐三菩提心須臾之頃彼輪
還來王子前住善男子今時寶藏如來歎阿
彌具王子言善哉善哉善男子如汝行菩薩
行所願甚善遣此自然輪寶至彼五濁空佛

土中今多阿僧祇億那由他百千衆生住無
濁心無惱心勸以菩提善男子是故字汝爲
無惱汝無惱當爲世導汝可取莊嚴佛土隨
汝所欲阿彌具白佛言世尊我求如是莊嚴佛
土所謂一切黃金爲地平正如掌饒諸天寶
周遍其中今無瓦礫土石諸山地柔軟觸猶
劫波育足下則下舉足還復其中今無地獄
畜生餓鬼之名我佛土無諸臭穢勝天妙香
充滿其國今天曼陀羅華周遍佛土今其中
衆生無有老病無相畏者無相惱亂今其中
衆生無有橫死死無悔恨無不入三昧而命
終者今其中衆生思惟念佛而取命終終已

不墮惡趣不生五濁空佛土中乃至菩提般
涅槃未常不見佛不聞法不供養僧令其
中衆生少於愛欲瞋恚愚癡令其中一切
衆生修十善業令其佛土衆生無受戒無
犯悔名令其中衆生魔不得使令其中衆生
無諸醜陋使其中衆生無有貴賤分別使其
中衆生無我所無所作令其中聲聞菩薩乃
至夢中無失不淨令其中一切衆生愛法求
法令其佛土無有一人異學倒見令其中衆
生身無疲懈心無勞倦使其中一切衆生皆
得五通使其中衆生無飢渴患隨所欲食充
滿寶器而在其前如欲界天令其中衆生無

有屎尿涕唾目淚身汗令其中無有寒熱令
其中香風軟觸以動人天隨意所欲有求涼
風有求暖風有求優鉢羅香風有求木蜜香
風有求海此岸香有求多伽羅香有求沉水
香有求一切香風隨心所念悉皆令得令無
如是五濁世界令其國中有七寶臺於彼臺
中有七寶座重敷茵蓐安置丹枕觸甚柔軟
如劫波育人所住處令其寶臺周而有池八
功德水充滿其中彼諸衆生以此爲用使其
中諸樹行列須曼那莊嚴以種種華種種果
種種香種種衣種種蓋種種瓔珞種種嚴具
以莊嚴樹其中衆生隨所樂衣於如意樹上

取而著之如是華乃至嚴具隨取服之我菩
提樹令七寶成高千由旬其莖徑一由旬枝
葉分布一千由旬微風來吹枝葉相棠今出
柔輒過天妙音謂波羅蜜神通根力覺道之
聲其有聞者心得離欲令其佛土女人具諸
功德譬如兜率天女又其中女人無諸鼻臧

不兩舌慳嫉妬使其男子不與女人觸身行
欲彼生欲心往觀女人須臾之頃欲心即滅
生大慚愧而去今得淨無塵三昧以是三昧
常離魔所終不更生欲心後女人以欲心視
男子已今即有胎適視已欲心俱滅如是男
女處胎身心受樂譬如三千三天歡喜受樂

使其佛土男女處胎七日七夜如是受樂女人懷婁亦受是樂譬如比丘入第二禪彼處胎者不爲不淨胎垢所汙於七日旦極香甚樂而得出生令彼女人不受苦痛俱入池浴令彼女人心即離欲得淨無塵三昧以是三昧令離魔事常入三昧先身所作業行因緣應多億劫受女人身今以是三昧得盡除却一切女身乃至菩提般涅槃更不復受又有衆生所作業行應過數劫常受胎苦我逮菩提時聞我名号心生喜行於彼命終即來我國受胎衆生其中一切所作業行盡彼除滅乃至菩提際更不受胎生

有衆生善根熟者令彼華中化生有少精
德未種善根令彼胎生盡諸業行我國土
中若爲女人若復入胎令彼衆生一向受
樂充滿令微風吹湏曼那多羅波帝樹出
如是喜樂之聲苦空無常無我之聲以是
音聲令其中人得照明三昧以是三昧令
彼衆生覺明深空令其佛土不出樂欲之
聲世尊我坐菩提樹下願湏臾之頃逮阿
耨多羅三藐三菩提逮菩提已令其佛土
無日月光亦無有夜唯以華合我當放如是
光明遍照三千大千佛土無不周至以是光
照令彼衆生得如是天眼見十方無量阿僧

祇餘世界中現在住世諸佛世尊我逮菩提
時當以如是聲說法遍滿三千大千佛土令
其中衆生得念佛心隨所住處經行坐卧及
與迴轉令彼一切常得見我隨所疑法適觀
我已疑惑盡除我逮菩提時於十方無量阿
僧祇佛土衆生若求聲聞乘若求大乘者從我
聞法令得甚深三昧忍辱陀羅尼即住不退
轉阿耨多羅三藐三菩提令我聲聞僧衆無
量無能數者唯除如來我逮菩提時在所遊
行投足之處令有千葉金色蓮華我遣彼華
至空佛土彼華至已稱讚於我彼諸衆生聞
我名者即生喜樂令彼衆生所有善根盡皆

迴向求生我國於彼命終皆得來生今我聲
聞僧無沙門垢無諂曲心令一切衆生皆悉如
是令我眷屬貴重於法不貪財物不重榮利
悟於無常苦空無我懃修精進敬佛樂法重
比丘僧令於其中不退菩薩得入空意隨所
生處常說般若波羅蜜乃至菩提際令不忘
失我逮菩提時令住世十千大劫般涅槃後
正法住世千劫佛言善哉善哉丈夫取淨佛
土汝阿闍於當來世過一恒河沙數阿僧祇
始入二恒河沙於東方去此千佛土有世界
名樂喜莊嚴成就如汝所願汝當於中成阿
耨多羅三藐三菩提即名阿闍如來乃至佛

世尊阿闍白佛言世尊若我如是意滿者於一切世界中衆生成陰界入有形之類在衆生數者令彼一切皆得慈心無怨心無濁心令彼身意受樂譬如住十地菩薩入蓮華三昧捨身得淨使一切衆生身意受樂亦復如是如我五體禮世尊足時令一切地皆作金色善男子彼阿闍菩薩五體禮寶藏如來足即時一切衆生受如是樂如其所願彼一切地皆作金色寶藏如來言

起住妙音無惱心

寶輪最妙在汝手

多億衆生得悲心

汝當淨意為世尊

大乘大悲分陀利經諸王子受記品第十二

善男子。尔時海濟婆羅門語第十王子尼摩
尼略說。王子尼摩尼其所立願。亦如阿闍唯
世尊。若我如是意滿。令一切衆生得念佛心。
令其手中皆有海此岸旃檀之香。令彼一切
以是妙香。供養佛像。佛言善哉善哉。善男子。
所願極妙。汝能使一切衆生手中皆有海此
岸旃檀妙香。發念佛心。善男子。是故字汝為
香手。汝香手於當來世。過一恒河沙數阿僧
祇。二恒河沙阿僧祇之餘。阿闍如來般涅槃
正法滅已。於後七日。汝香手於彼世界。成阿
耨多羅三藐三菩提。号金華如來。應供正遍
知。乃至佛世尊。香手白佛言。世尊。若我如是

意滿我五體禮世尊足時今此園中周遍雨
瞻蔔華善男子尔時香手菩薩五體禮寶藏
如來足時尋遍園中雨瞻蔔華寶藏如來言
起極妙德意善香

雨瞻蔔華周遍園
度多衆生無畏岸

汝當顯示淨妙道

善男子尔時海濟婆羅門語第十一王子名
師子略說即以寶幢上寶藏如來如香手菩
薩所願無異寶藏如來言善哉善哉善男子
是故字汝爲寶勝於當來世過一恒河沙數
阿僧祇二恒河沙數阿僧祇之餘金華如來
般涅槃已正法滅後竟三劫樂喜世界當名
妙樂汝當於中成阿耨多羅三藐三菩提号

自在龍雷音如來乃至佛世尊國土莊嚴如
阿闍佛土無異寶勝白佛言世尊若我如是意
滿者禮佛足時令一切衆生得如是心如菩
薩住平等悲三昧爲饒益一切衆生求菩提
者令不退轉善男子寶勝菩薩五體禮寶藏
如來足時一切衆生得如是意謂諸衆生得住
悲心善男子尔時寶藏如來告寶勝菩薩言
起勇善善意大丈夫
能因衆生立堅誓
安立多衆無塵心
於天世人當作佛

略說摩闍披等五百王子立如是願取莊嚴
取佛土如虛空印菩薩所願取淨佛土寶藏
如來盡皆授阿耨多羅三藐三菩提記汝等

同時各異世界當證阿耨多羅三藐三菩提
復有四百王子立如是願取莊嚴佛土如斷
金剛慧照明菩薩寶藏如來亦皆授其阿耨
多羅三藐三菩提記各異世界復有八十九
王子立如是願取莊嚴佛土如普賢菩薩又
彼八萬四千諸小國王皆在淨願各取莊嚴
淨佛國土寶藏如來悉皆授其阿耨多羅三
藐三菩提記各異世界俱逮菩提如是九十
二億衆生皆各立願所修淨土寶藏如來亦
盡授阿耨多羅三藐三菩提記汝等同時各
異世界當逮阿耨多羅三藐三菩提
大乘大悲分陀利經八天子授記品第十三

善男子時海濟婆羅門有八十子皆是寶藏
如來之弟其第一者名海自在童真善男子
尔時海濟婆羅門告海自在曰今汝童真可
取清淨莊嚴佛土海自在言大師應先作師
子吼大師告言我所思願後乃說之彼即白
言我為取淨土取不淨耶大師告言其有菩
薩具大悲者取不淨土度諸濁意倒見衆生
汝童真自可知之善男子時海自在童真至
寶藏如來前白佛言世尊我求阿耨多羅三
藐三菩提亦於如是八萬歲世人中證妙菩
提如今世尊願令衆生少於貪欲瞋恚愚癡
等畏能於生死以身為患今於我所兩得出

家我亦當以三乘爲衆說法世尊若裁如是
意滿者唯願世尊當授我阿耨多羅三藐三
菩提記寶藏佛言汝於來世過一恒河沙數
阿僧祇始入二恒河沙數阿僧祇於散華劫
時此佛土四天下當名妙勝於八萬歲人中
當逮菩提号寶積如來乃至佛世尊彼白佛
言世尊若我如是意滿者令遍此園雨赤真
珠一切樹上出五樂音善男子海自在童真
五體禮寶藏如來足時遍於園中雨赤真珠
一切樹上出五樂音寶藏如來言

起大勢力無盡慧
所求當滿淨衆生

慈心衆庶愍傷仙
爲群黎故世成佛

婆羅門第二子名曰成就彼作是言如海白
在所可立願我亦如是略說寶藏佛言汝童
真亦於散華劫妙勝佛土中四天於八萬
歲世人中汝當成佛号照明華如來乃至佛
世尊略告第三言汝於二千歲人中當逮菩
提号月持王如來乃至佛世尊略說授記須
摩那如來山王如來制眼如來梵上如來閻
浮影如來滿如來高如來寶山如來海藏如
來那羅延如來尸軀那牟尼如來牟尼王如
來憍陳如如來師子步如來智幢如來佛聲
如來最勝如來開化如來饒益如來慧明如
如來寂慧如來作喜如來無怒王如

來金銀如來摩醯覩如來日喜如來寶嚴如
來善明如來背摩如來善喜如來梵征如來
吼如來法月如來現議如來稱喜如來稱上
如來端正香如來四妙根如來須尼闍覩如
來適遶如來善意如來妙乘慧如來金幢如
來善目如來天淨如來淨道如來善現如來
乘幢如來毗樓波义如來梵音如來德聚如
來德無塵如來摩尼光如來焰氣如來釋迦
牟尼如來音自在如來介成如來最尊如來
華成如來等華如來無惱如來日截如來樂
自在如來月如來龍齒如來金剛照如來稱
王如來常光如來勝光如來薩泥耨如來智

成如來香自在如來婆羅主如來那羅延藏
如來月藏如來善男子其大師最後幼子名
無恐懼彼白寶藏如來言世尊授此七十九
童真記於散華劫成阿耨多羅三藐三菩提
世尊我當發阿耨多羅三藐三菩提心盡散
華劫世尊令我最後證妙菩提如彼七十九
佛壽命令我逮菩提時壽獨與等如彼所度
願我亦等彼三乘化我亦當說三乘之法如
彼所有聲聞僧數我得佛時聲聞亦等如彼
七十九佛出世於散華劫所有衆生得受人
形半劫盡時我逮阿耨多羅三藐三菩提我
當使彼一切衆生於任卧三乘世尊若我如

是意滿者佛當授我阿耨多羅三藐三菩提
記善男子尔時寶藏如來讚無恐畏言善哉
善哉善男子汝能為過數衆生大悲饒益汝
於來世過一恒河沙數阿僧祇入二恒河沙
數阿僧祇散華劫半盡時汝當最後成阿耨
多羅三藐三菩提号無上勇王如來乃至佛
世尊如彼七十九佛共壽半劫汝當獨壽半
劫乃至如汝所願悉皆當成彼白佛言世尊
若我如意滿者五體禮世尊足時令此佛土
普雨青蓮華極妙甚香其有衆生聞是香氣
四大調和衆病皆愈善男子如無恐畏童真
五體禮寶藏如來足應時一切佛土雨青蓮

華衆生聞香彼一切四大調和衆病皆愈寶
藏如來言

起習大悲善調心

多妙世尊皆敬汝

諂結慳結如能斷

當得淨妙智慧藏

大乘大悲分陀利經三億少童子受記品第十四
善男子時海濟婆羅門三億弟子謂在園門
坐有人來爲我三歸勸以菩提者善男子尔
時海濟婆羅門告諸弟子言汝等童子可發
阿耨多羅三藐三菩提心各隨所欲而取佛
土在如來前隨意發願其弟子中有一童子
名日月忍彼白師言是道去何當積何德修
何行作何念而得菩提大師告曰童子菩薩

具四無量。藏得逮。菩提何謂爲四。具無盡福。藏具無盡智。藏具無盡慧。藏具無盡一切佛法。藏是名。具足四無盡藏。善男子。如來說如。是菩提道名。揔集淨德。度生死法門。菩薩具足行施爲度衆生。故菩薩具足持戒爲滿願。故菩薩具足忍辱成相好。故菩薩具足精進。以辦衆事故。菩薩具足禪以調心。故菩薩具足惠以滅諸結。故菩薩具足聞爲阿僧祇辯才。故菩薩具足功德潤益一切衆生。故菩薩具足智爲阿僧祇智。故菩薩具足止隨心作。故菩薩具足觀爲除疑惑。故菩薩具足慈爲心無礙。故菩薩具足悲爲度化無疲厭。故菩

菩薩具足喜為樂法喜故菩薩具足捨為除愛
憎故菩薩具足摩沙門為除障礙故菩薩具
足出家為捨一切有為故菩薩具足閑居為
滅不善業修益善業故菩薩具足念為得持
故菩薩具足意為覺深解故菩薩具足強志
為覺義故菩薩具足念處為觀身受心法故
菩薩具足正捨為捨一切不善法修滿一切
善故菩薩具足神通為輕身心故菩薩具足
根為滿攝根故菩薩具足力為伏一切結使
故菩薩具足覺分為實法故菩薩具足六和
敬法為淨應度者心故童子是名揔具足淨
德度生死法門彼白師言聞世尊說布施得

大富饒益諸眷屬持戒得生天多聞得大慧
世尊說修淨德為度生死故大師告曰童子
有樂生死施者如汝所說童子善男子善女
人信善提道施者為調伏心故持戒為滅心
故求聞為除心濁故修悲為大悲心故餘法
以智慧方便具足集行童子此是善提道具
足集如是德如下如是念乃逮善提諸童
子善提道行如是諸童子可求善提諸童子
善提道淨應至意立願必當得滿諸童子善
提道淨以意淨故諸童子善提道直淨除諸
結無諂偽故諸童子善提道乃至安隱無上
涅槃際故是故汝等今可立願隨取嚴淨不

淨佛土善男子。尔時月忍童子。至寶藏如來
前。右膝著地。叉手合掌。而白佛言。世尊。我今
欲發阿耨多羅三藐三菩提心。於此濁佛土
中。衆生少。於貪欲。瞋恚。愚癡。無忘失。無濁心。
無怨心。無慳嫉心。無邪見心。任正見心。無不
善心。常求善心。然三惡趣心。求人天心。集三
福地善根心。求在身心。我當於是中。成阿耨
多羅三藐三菩提。世尊。若我如意滿者。令我
兩手有自然龍象。適發言已。蒙佛神力。於兩
手中有自然龍象。其身純白。七支具足。躬自
目見。而告之曰。汝二龍象。上昇虛空。周遍此
土。降極香妙。八功德雨。覺此佛土一切衆生。

令此兩龍觸衆生身有聞香者令除五蓋謂
愛睡掉悔疑適發是言彼二龍象即昇虛空
如是健速如大力士放箭甚疾彼二龍象如
向所說事訖而還在其前立善男子尔時月
忍童子極大歡喜時寶藏如來告彼言汝善
男子於當來世過一恒河沙數阿僧祇始入
二恒河沙阿僧祇於照明劫明集佛土此四
天下汝當成佛号寶蓋勇光如來乃至佛世
尊善男子尔時月忍菩薩五體禮寶藏如來
足寶藏言

起汝無塵心甚淨
淨治善提最妙道

汝授多億衆生記
汝當得仙導衆生

略說乎人不滿三億童子於此佛土三億釋
多羅三藐三菩提願寶藏如來皆授彼記其
最後者名毗波尸如來式棄如來鞞尸羅披
如來是授童子記也

大乘大悲分陀利經千童子受記品第十五
彼千童子皆通四鞞陀其最大者師而事之
名披由毗師細彼言我欲於彼五濁佛土證
阿耨多羅三藐三菩提為極重貪欲瞋恚愚
癡諸結衆生而說法月鬘童子白大師言此
披由毗師細見何等事乃能立願於五濁佛
土大師告曰童子有大悲菩薩彼於五濁佛
土而違菩提無救無趣困於諸結邪見也

為此衆生作救起饒益故於生死海度衆等
類令住正見以涅槃甘露之味充滿衆生此
現菩薩大悲立願於五濁佛土者時寶藏如
來言汝披由毗師細於當來世過一恒河沙
數阿僧祇二恒河沙數阿僧祇之餘於東方
過佛土微塵數佛刹有世界名結使幢汝善
丈夫於中當成阿耨多羅三藐三菩提号主
山王如來乃至佛世尊披由毗師細白佛言
若我如意滿者禮世尊足時唯願世尊當以
百福莊嚴兩手摩我頂上善男子如披由毗
師細童子頭面禮世尊足時寶藏如來即以
兩手摩披由毗師細菩薩頂而告之曰

起大悲意策智慧

汝為菩提修妙行

結縛甚堅強力斷

汝當成佛饒益世

善男子尔時月鬘童子向寶藏如來右膝著地而白佛言世尊我欲發阿耨多羅三藐三菩提心於此佛土貪欲瞋恚愚癡等分心衆生不住諸善惡心衆生於四萬歲世人中我當成阿耨多羅三藐三菩提寶藏佛言汝於來世過一恒河沙數阿僧祇二恒河沙之餘有世界當名娑訶何故名娑訶其中衆生忍樂貪欲瞋恚愚癡一切結縛皆悉忍故以是因緣名曰娑訶時有大劫名賢何故名賢於此劫行貪欲瞋恚愚癡吾我衆生中當有千

大悲佛婆伽婆於中出故汝善丈夫始入賢劫於四萬歲世人中當先成阿耨多羅三藐三菩提号迦羅迦孫馱如來乃至佛世尊當以三乘說法有過數衆生爲生老病死馱河所漂汝當度著涅槃彼岸善男子今時月變喜薩五體禮寶藏如來足卽坐一向善男子

尔時第二童子名曰后提羅前白寶藏如來言世尊我欲次迦羅迦孫馱如來後於三萬歲世人中當成佛寶藏佛言汝童子於當來世過一恒河沙數阿僧祇二恒河沙阿僧祇之餘於娑訶國土適入賢劫次迦羅迦孫馱如來後於三萬歲世人中當得成佛号迦那迦牟

尼如來應供正遍知乃至佛世尊名稱流布彼
於世尊所聞授記已頭面禮足起遶三匝於
寶藏如來前以華散佛叉手合掌以偈讚曰
善集和合巧次第

無失濁亂淨妙稱

意極高廣諸仙尊

說菩提道如大嶮

興人德自百福滿

施寂樂道遶結山

牟尼所為無過者

授多衆生菩提記

善男子尔時童子名厚攝以七寶牀著寶藏
如來前價直百千兩金敷以所宜置之金鉢
盛滿七寶以金澡盥并七寶牀施佛及僧而
白佛言世尊我欲於來世過一恒河沙數阿
僧祇二恒河沙數之餘於彼賢劫成如來應

供正遍知衆善滅時惡世瑞現衆生住重貪
欲瞋恚愚癡慳嫉依惡知識邪見衆生常樂
親近不善根心離善根心無正見心邪命亂
心迦那迦牟尼如來般涅槃已正法滅後衆
生盲冥世無導師二萬歲世人中我當成阿
耨多羅三藐三菩提善男子時寶藏如來告
厚攝曰善哉善哉娑羅門汝善丈夫具大明
智惡世人中瑞應出時乃至二萬歲世人中
盲無導師於中立願是故善丈夫字汝爲明
智悲意汝明智悲意於當來世過一恒河沙
數阿僧祇二恒河沙之餘即於此娑訶世界
在賢劫二萬歲世人中當得成佛号迦葉如

來乃至佛世尊善男子。爾時明智慧意菩薩
五體禮寶藏如來。足於一面立。以華鬘香末
散寶藏如來。以偈讚曰。

人尊多聞蓋

皆生喜樂意

以巧妙善語

善智處人天

授多衆生記

於十方作佛

神通智意等

佛法無稱量

尊現善提行

故我稽首禮

善男子。爾時海濟婆羅門覺悟第四童子名
無垢意善男子。爾時無垢意童子前白寶藏
如來言。我欲如是於此土賢劫中求菩提。以
不如是惡世迦葉如來般涅槃後。正法滅已
於萬歲世人中衆生布施持戒修定。心意轉

乏於七財。敬惡知識。以之爲師。心不樂求於
三福地。亦不樂修三善之業。及樂爲三不善
惡業。以諸結使。闇亂心。故不欲樂求三乘之
道。於當今時。尚無能辦菩提行者。況復千歲
世人。乃至百歲。今時衆生。無有善名。況行善
者。是五濁世。壽命轉減。乃至十歲。刀兵劫起。
即於我今時。當從天上下。拔濟衆生。使捨不
善。爲說善法。令彼衆生。任十善業。以諸善業。
除衆生結。亦除五濁。乃至世人。壽八萬歲。我
乃於中。成阿耨多羅三藐三菩提。爲少貪欲。
瞋恚愚癡。無明慳嫉。衆生說法。令任三乘。世
尊若我。如是意滿者。世尊應授我阿耨多羅。

三藐三菩提記世尊設我不得如是授記我
當求聲聞地若辟支佛速脫生死寶藏如來
言婆羅門菩薩有四懈怠地若有菩薩具此
懈怠者久樂生死為見所誤受生死苦不速
逮阿耨多羅三藐三菩提何謂為四或有菩
薩卑賤威儀卑賤同學卑賤分施畀賤立願
何謂菩薩卑賤威儀或有菩薩破身口意或
不攝威儀與學聲聞緣覺者俱不一切施不
一切處施求人天福樂施不至意立願莊嚴
佛土為度衆生具四法懈怠菩薩久受生死
之苦不速逮阿耨多羅三藐三菩提有菩薩
具四法速成阿耨多羅三藐三菩提何謂為

四護持身口意或常親近大乘學人一切施
一切處施為脫一切衆生苦故發悲心施至
意立願莊嚴佛土為度衆生故是為四法菩
薩行是速成阿耨多羅三藐三菩提復有四
法菩薩具足攝菩提道何謂為四勤行波羅
蜜施攝衆生修辦諸禪遊戲神通是為四復
有四無厭法菩薩應具施無厭聞法無厭攝
衆生無厭願無厭是為四復有四無盡藏菩
薩應滿信無盡藏菩薩應滿說法無盡藏菩
薩應滿迴向無盡藏菩薩應滿濟窮厄衆生
無盡藏菩薩應滿是為四復有四淨菩薩應
具無我戒淨無衆生三昧淨無命慧淨無入

解脫知見淨是爲四法菩薩應具菩薩以是
速成阿耨多羅三藐三菩提轉虛空輪不可
思議輪無稱量輪無我輪無言說輪假現輪
獸患輪轉未曾有輪汝無垢意於當來世過
一恒河沙數阿僧祇於二恒河沙阿僧祇餘
入賢劫未久五濁以除其壽轉增至八萬歲
人中汝當得逮阿耨多羅三藐三菩提号弥
勒如來乃至佛世尊時無垢意婆羅門五體
禮寶藏如來足已於一面住以華鬘旛香供
養世尊以偈讚曰

尊面如滿月

白毫相如雪

身淨如金山

誰不願牟尼

雄猛如獸王

無量德照世

光明普周遍

今授我佛記

大師海濟婆羅門勸彼一切千人少一通四
鞞陀得發菩提所謂迦羅迦孫馱迦那迦牟
尼迦葉弥勒子照等千人少二童子通四鞞
陀彼一切立阿耨多羅三藐三菩提願於此
賢劫寶藏如來彼一切阿耨多羅三藐三菩
提記於賢劫中其最小者大師覺之咄持大
力何以久觀汝摩訶薩捨餘意想為衆生故
可發大悲以偈告曰

衆生老病死

沒於愛流河

處在三界畏

受胎之微形

飲結毒相害

曠野苦燒煮

癡盲失善道

為生死所逼

三界苦熾然

皆住於邪見

一切在五道

譬如車輪轉

衆生甚法眼

念無救衆生

修慧除疑惑

今可求菩提

為世渴愛河

作衆生橋梁

解世結縛故

心迴向菩提

除癡開法眼

施以無上道

生死三界然

充之以法味

速可詣饒益

頂禮牟尼足

可立最堅願

為佛世導師

慰喻諸群生

曠野濟衆庶

施妙解脫道

根力及覺分

為求兩法雨

以滅衆生苦

善男子時持大力童子白言大師我不樂生

死樂求尊德又復不求聲聞辟支佛乘欲求

無上乘我觀所化處待時立願大師是故我

住思惟至今師待須臾聽我師子吼時善男子
子尔時海濟婆羅門捨彼而還告其弟子五
婆羅門常給侍者汝諸童子可發阿耨多羅
三藐三菩提心彼白師言我等無財寶物可
供養佛及比丘僧我等云何未種善根發菩
提心善男子尔時國大師告其弟子一名迦

馬

方口牙

羅浮殊即與七寶耳槩二名他羅浮殊亦與
七寶耳槩第三名闍羅浮殊與七寶牀第四
名佉伽浮殊與七寶杖第五名婆羅浮殊與
純金澡盥而告之曰汝等可以此物供養佛
及比丘僧發阿耨多羅三藐三菩提心時五
給侍進詣世尊各以所賣施佛及僧已而白

佛言唯願世尊授我等阿耨多羅三藐三菩提記於彼賢劫我等於中當成無上正真之道略說善男子時寶藏如來即與迦羅浮殊童子授菩提記於賢劫中當名堅音如來次後他羅浮殊當名樂相意如來次後闍羅浮殊當名商道如來次後佉浮殊當名愛清如來次後娑羅浮殊童子當名清葉髻王女來佛適授彼五童子記於賢劫已時大師重告持大力言汝持大力於世尊所今可立願取莊嚴佛土隨意所欲以法味調一切衆生堅固精進行菩薩行莫復以觀自執其僻將至佛所善男子彼時持大力童子任世尊

而白佛言世尊於當來世後賢劫中
牟尼日出現於世寶藏如來言童子於半賢
劫當有千四年尼日出現於世童子白佛言
世尊於彼賢劫乃至千三牟尼日般涅槃已
其最後娑羅浮殊童子當成阿耨多羅三藐
三菩提名青葉髻王如來我當於尔所時行
菩提行難行苦行布施持戒修定多聞精進
忍辱隨福德智慧我當具滿於彼賢劫一切
成佛未久我先施供養彼般涅槃後如舍利
法供養舍利護持正法之戒衆生勸令持戒
使住其中少見困厄衆生勸令正見使住其
中少意衆生勸住正意無威儀者

當爲衆生示現種種若干善行彼諸
涅槃未久我當復正法眼正法攝正法興正
法燈熾燃於世刀兵劫時我當勸化衆生使
住不殺乃至正見以十善業於邪徑路拔出
衆生著善道中除彼惡行闍冥開示善行法
劫濁乃至命見結衆生濁世我當滅除飢饉
劫時我當勸化衆生行檀波羅蜜令住其中
我以六波羅蜜除滅一切飢饉之劫濁亂闍
諍及與怨嫉於衆生所除滅結垢疾疫劫時
我當以六和敬四攝法勸化衆生令住其中
除滅衆生疾疫闍冥乃至滅結一切娑訶佛
土半賢劫中如是救濟衆生困厄

出現涅槃彼一切正法滅已於賢劫中然後
我當成阿耨多羅三藐三菩提如彼賢劫千
四諸佛壽命限量我逮菩提已壽命與其如
彼所有聲聞僧數我聲聞衆亦當與等如彼
半劫千四如來所度衆生獨我與等彼諸佛
世尊學聲聞者設違失戒逐邪見林不敬諸
佛多憎嫉心惡心害心向求法僧失心過心
誹謗賢聖誹毀正法作無間業者願我逮菩
提時於生死中拔彼一切安置無畏涅槃城
中乃至我般涅槃隨正法幾時滅賢劫俱盡
我正法滅賢劫盡已當令我齒及身舍利變
成無量阿僧祇化佛具足三十二大人之相

以莊嚴身令一一相八十種好而自莊嚴令
諸化佛往至十方無量阿僧祇無佛之國令
一一化佛勸彼無量阿僧祇衆生使任三乘
其有佛土爲災劫所壞令彼化佛往至其中
救濟衆生如前所說然後令我如意摩尼於
諸佛土若有衆生乏無珍寶到彼諸國如意
雨寶示現伏藏又餘佛土衆生甚諸善業爲
病所困亦到於彼令雨海此岸牛頭旃檀香
令彼香雨滅除衆生結病身患及與見困令
彼衆生勲三福地得生天上世尊我行菩薩
行時欲以如是濟度衆生我逮菩提時如是
作佛事我般涅槃後亦令如是無量無邊諸

佛土中救濟衆生世尊若我如是意不得滿
不爲衆生能作良藥而救濟者令我禮佛已
不見十方無量無邊世界中現在住世說法
諸佛今日世尊不授我阿耨多羅三藐三菩
提記又今世尊所授多億衆生阿耨多羅三
藐三菩提記令我亦不見彼諸佛世尊不聞
菩提聲若如是意不滿者令我流轉生死不
聞佛聲法聲僧聲不聞善業聲今此諸聲不
經我耳令我常在阿鼻地獄寶藏如來告持
大力童子言善哉善哉善丈夫汝當爲衆生
作善良藥脫諸苦難善丈夫是故字汝爲無
垢明藥王汝無垢明藥王於當來世過十恒

河沙數阿僧祇二恒河沙數阿僧祇之餘於
賢劫中千四如來成佛未久汝先供養乃至
如汝立願青葉髻王如來般涅槃已正法滅
後汝當成阿耨多羅三藐三菩提号凶樓至
如來乃至佛世尊壽命半劫如彼賢劫千四
諸佛聲聞僧數汝聲聞衆獨與彼等所度衆
生亦復與等般涅槃後正法滅時賢劫俱盡
如是汝齒及以舍利成諸化佛如是乃至無
佛國中雨旃檀香除彼結病見困身患安置
衆生著三福地皆得生天善男子尔時無垢
明藥王菩薩白佛言世尊若我如是意得滿
者唯願世尊以百福莊嚴相足著我頂上

男子時寶藏如來即以百福莊嚴相足以摩
其頂善男子時無垢明藥王菩薩心大歡喜
意甚踊躍五體投地禮寶藏如來足已却住
一向時海濟婆羅門以天劫波育衣與之讚
言善哉善哉丈夫所願甚善自今以後勿為
我使隨意所欲

大乘大悲心經卷第四

逮逮字 焯焯字 傲慢傲慢上吾音反 掉掉徒吊反 輻輻福音

輞輞上音岡 輞輞下音闕 茵蓐茵蓐上音因 輞輞下音

徑徑經字去 相棠相棠下直庚反 懷懷下而禁

姪姪作 凝凝下 緒緒下 道道直慮 帝帝同用 鞞鞞尸反 步步迷 師師紕 紕紕九反

男子時寶藏如來即以百福莊嚴相足以摩
其頂善男子時無垢明藥王菩薩心大歡喜
意甚踊躍五體投地禮寶藏如來足已却住
一向時海濟婆羅門以天劫波育衣與之讚
言善哉善哉丈夫所願甚善自今以後勿為
我使隨意所欲

一來帝王

大乘大悲分陀利經卷第四

駒

逮

逮字 昭字

傲慢

上吾音反 不敬也

掉

徒吊反

輻

音福

輞

上音岡 谷正作輞

闕

昌反 昌六

茵蓐

上音因 厚正作蓐

音福

徑

經字去 聲閑也

相棠

下直庚反

懷倅

下而禁

姪

下直慮

滌

同用滴

鞞

反步

師

細

九

反

駛

駛上

駛上

使

史

二作

流

疾

也

作

澡

濫

貫

正音

作

與

下

業

少

也

反

逕

路

正

作

徑

反

